

Alam Wanita

Soal Talak Dalam Islam

(15)

Masalah isteri nusyuz (ingkar), yang kadang-kadang ((digantung tidak bertali)), masalah beristeri lebih dari satu atau ((poligami)), dan masalah talak, selalu menjadi perbincangan masyarakat.

Masalah-masalah ini telah dihuraikan oleh Dr. Ali Abdul Wahid Wafi, Mesir, dalam bukunya:

“Bayt al-Ṭā‘ah wa Ta‘addud al-Zawjāt wa al-Ṭalāq fī al-Islām”

Huraiannya yang berharga ini kita siarkan di sini dengan harapan menjadi penerangan yang berguna tentang kedudukan masalah-masalah ini yang sebenarnya.

Dalam bilangan-bilangan yang lalu, telah dihuraikan satu persatu tentang masalah yang pertama (soal isteri nusyuz) dan masalah yang kedua (soal berbilang isteri). Mulai dari bilangan 144 yang lalu dan seterusnya, pengarangnya menghuraikan pula masalah yang ketiga – “Soal talak dalam Islam”.

(Diterjemahkan oleh: Abdullah Basmeh)

Tuduhan-tuduhan Terhadap Peraturan Talak Dalam Islam

akad yang telah diikat bersama dan dengan dasar persamaan

dan Jawapan Kita

yang semestinya ada di antara kedua jenis (lelaki dan

(5)

perempuan) itu. Kedudukan yang sebenar, hendaklah akad

Banyak di antara orang-orang Barat yang menuduh bahawa Islam

itu jangan dirombak melainkan dengan persetujuan kedua

telah menjadikan talak itu hak yang tertentu bagi lelaki

pihak yang mengikat akad yang tersebut, atau apabila hak itu

dan melarang perempuan menggunakan. Mereka berkata,

diberikan kepada seorang hendaklah juga diberikan kepada

oleh kerana lelaki dan perempuan masing-masingnya

yang seorang lagi.

bersangkut paut dalam akad nikah, dan menjadi

Orang-orang Barat yang menuduh demikian telah ketinggalan

kongsi hidup bersama, maka memberikan hak talak

banyak perkara. Mereka ketinggalan bahawa perempuan yang

kepada salah seorang sahaja adalah berlawanan dengan

mengikat akad perkahwinan menurut peraturan Allah dan

rasul-Nya, dengan berdasarkan syariat Islam, bersetuju

dengan akad itu supaya lelaki sahaja yang berkuasa menguruskan perkara talak menurut hukum-hukum Islam yang telah ditetapkan oleh Islam. Menurut akad yang tersebut, ia juga beralah melucutkan segala haknya mengenai talak, yang harus akan timbul dari percampurannya di dalam mengikat perkahwinan itu. Jelasnya, manakala suami menggunakan hak talak dengan seorang diri, maka ia menggunakkannya ialah dengan persetujuan si isteri, iaitu persetujuan yang terkandung di dalam akad perkahwinan itu sendiri.

Orang-orang Barat juga telah ketinggalan bahawa Islam telah meraikan dalam perkara ini, bahawa perempuan adalah lebih banyak dipengaruhi oleh perasaan hati dan lekas pula marah, dan bahawa ia tidak dikenakan hukuman membayar wang kerana talak itu. Tidaklah sah bagi perempuan dengan adanya kedudukan yang seperti ini dan keadaan tabiatnya yang disebutkan itu, dan juga dari segi undang-undang, jika diletakkan dalam tangannya suatu hak yang sangat besar kesannya seperti hak talak itu. Jika tidak, nescaya akan menjadilah keluarga itu terdedah kepada keruntuhan disebabkan sekecil-kecil perasaan hati, atau selemah-lemah rasa marah yang mendatang. Sedang si lelaki lazimnya tidak terdorong menurut perasaan hatinya dan rasa marahnya sebagaimana terdorongnya si perempuan. Dari segi yang lain pula, lelaki sahaja yang dikenakan hukuman membayar perbelanjaan talak. Selain daripada itu, dialah juga yang bertanggungjawab terhadap keluarga, dan yang lebih mengetahui untuk menguruskannya, dan yang pandai menimbang segala keadaannya. Oleh sebab itulah, Allah yang Maha Bijaksana, telah menetapkan hak talak itu diberikan kepada lelaki dengan segala ikatan belenggu yang mengikatnya, yang kita sebutkan

dahulu, iaitu ikatan belenggu yang menjaminnya daripada digunakan melainkan ketika tertuntut menggunakan untuk kebajikan keluarga dan kebajikan am, dan menjamin pula daripada melakukan sesuatu yang membahayakan keluarga (isteri dan anak-anaknya).

Islam juga, sebagaimana yang telah diterangkan dahulu, mengharuskan talak ketika kedua suami isteri bersetuju iaitu cerai (*(khulu')*), bahkan telah mengharuskan beberapa jenis talak yang dipegang oleh perempuan apabila si suami beralah dan memberikan hak talak itu kepadanya. Islam juga telah mengharuskan supaya perempuan meletakkan beberapa syarat yang tertentu di dalam akad nikah yang boleh memfasakhkan (melucutkan – membatalkan) akad nikah itu setelah si suami tidak menyempurnakan syarat-syarat yang tersebut. Demikian juga kadi atau hakim telah diharuskan oleh Islam supaya menjatuhkan talak dalam perkara suami yang berkeadaan picik (sehingga tidak dapat memberi nafkah isterinya) atau kerana suami ghaib dalam masa yang lanjut, atau kerana mengelakkan sesuatu yang membahayakan kedua belah pihak, sebagaimana yang telah lalu keterangannya.

* * *

Membahas Syor Setengah-setengah Penulis

Supaya Talak Diletakkan di Tangan Hakim atau Kadi

Dalam masa yang tidak berapa lama dahulu, telah timbul satu puak dari penulis-penulis Mesir, mengesyorkan kepada pihak yang berkuasa supaya mencabut hak talak dari tangan suami dan isteri – kedua-duanya sekali, dan meletakkannya di dalam tangan mahkamah. Seseorang perempuan tidak boleh diceraikan melainkan setelah diadakan bicara di mahkamah, dan setelah mahkamah berpuas

hati akan layaknya sebab-sebab yang berkehendakkan perceraian itu. Dengan syor yang dikemukakan oleh penulis-penulis yang tersebut, mereka berkehendak memindahkan undang-undang negeri Perancis mengenai talak ke Mesir, dan hendak menukarkan hukum syarak dengannya, meskipun mereka kerana jahatnya, tidak mahu berterus terang dengan yang demikian itu.

Dalam bahagian yang lalu, kita telah bentangkan undang-undang negeri di Eropah yang meluluskan hukum ini (meletakkan talak di tangan mahkamah), terutama undang-undang negeri Perancis, dan kita telah terangkan bahaya yang dibawa oleh undang-undang yang tersebut, iaitu melumpuhkan susunan keluarga dan meruntuhkan akhlak. Tambahan pula, kebanyakannya sebab-sebab talak (yang dikemukakan menurut apa yang dipersetujui oleh undang-undang itu), merupakan perkara-perkara yang tidak patut diisyiharkan kepada orang ramai, kerana menjaga nama baik keluarga dan masa depan anak-anaknya, lelaki dan perempuan. Kalau-lah diwajibkan orang ramai jangan menjatuhkan talak melainkan setelah dihebahkan sebab-sebab yang tersebut di hadapan mahkamah dan mengemukakan bukti-bukti yang menjadi pemutus, serta memberikan keterangan yang memuaskan hati pihak mahkamah, tentulah mereka akan terletak di antara dua bahaya. Pertama, mereka mengambil keputusan tidak mahu menghebahkan di hadapan mahkamah akan sebab-sebab talak yang mendatangkan malu kepada diri mereka dan isteri-isteri serta anak-anak mereka, dan dengan itu akan tinggallah mereka dalam keadaan yang sangat memalukan dan ditolak oleh perasaan hormat dan bermaruah, bahkan ditolak oleh maslahat keluarga itu sendiri. Kedua, ataupun menghebahkannya, dan dengan itu mereka mencatitkan perkara yang memalukan maka memberi aib selama-lamanya terhadap diri mereka dan

sekalian keluarga mereka. Selain daripada itu, apabila jalan talak telah menjadi buntu sampai kepada peringkat yang disebutkan itu maka harus salah seorang dari suami isteri itu akan terdorong dan berdegil hendak bercerai dengan menggunakan tuduhan-tuduhan palsu terhadap orang yang seorang lagi, supaya berlaku kehendaknya, sebagaimana yang berlaku hari ini dalam kalangan bangsa-bangsa Barat, yang kedapatan kedua-dua pihak yang hendak bercerai itu mencapai kehendak masing-masing dengan menggunakan tuduhan-tuduhan palsu untuk mensabitkan perbuatan zina salah seorang daripada mereka berdua. Tidak terselindung, bahawa cara yang demikian membawa bahaya yang besar kepada keluarga itu sendiri khasnya, dan merosakkan urusan mahkamah dan peraturan masyarakat dan akhlak amnya.

Meskipun Islam telah menetapkan supaya diadakan peraturan *taḥkīm* (orang tengah) di antara suami isteri dalam perbalahan mereka, tetapi hukum itu telah ditetapkan dalam bentuk yang mulia dan bertujuan baik, tidak mengandungi sesuatu pun dari perkara-perkara yang buruk yang terdapat dalam peraturan Barat yang tersebut. Islam telah menetapkan supaya majlis *taḥkīm* itu daripada dua orang ((*hakam*)) (orang tengah), seorang dari keluarga suami dan yang seorang lagi dari keluarga isteri, yakni dari dua orang yang tidak menjadi keberatan kepada suami isteri itu masing-masing untuk menyatakan rahsia-rahsia mereka dan sebab-sebab perbalahan. Dari segi yang lain, kedua-dua orang tengah itu tidak kurang daripada suami isteri itu sendiri tentang mengambil berat pada menyembunyikan tiap-tiap sesuatu yang merosakkan nama baik keluarga yang berbalah dan tidak menghebahkannya kepada ramai. Kerana tiap-tiap perkara yang merosakkan nama baik keluarga yang tersebut akan merosakkan nama baik kedua-dua orang tengah

itu sendiri, disebabkan pertalian kerabat mereka dengan

keluarga itu.

Selain daripada itu semuanya, Islam juga telah mengharuskan pihak mahkamah campur tangan dalam perkara ini apabila keadaan menghendaki, dan campur tangannya mendatangkan faedah untuk kebijakan am dan kebijikan keluarga itu sendiri. Pihak mahkamah diharuskan menjatuhkan talak apabila si suami berkeadaan picik dan tidak dapat memberikan nafkah isterinya, dan dalam keadaan si suami ghaib dalam suatu masa yang lama, dan juga ketika menghendaki talak itu dijatuhkan untuk menjauhkan bahaya dari kedua-dua suami isteri, sebagaimana yang telah diterangkan dahulu.

Membahas Pendapat Setengah Orang

Supaya Perempuan yang Ditalak Membawa Perkaranya ke Mahkamah

Dalam bahagian yang lalu, kita telah menyatakan bahawa Islam sentiasa menggunakan segala ikhtiar pada melimpahkan perempuan yang ditalak itu dengan timbang rasa dan belas kasihan, dan berusaha memelihara akan hak-haknya dan melindunginya dari sesuatu yang membahayakannya. Islam juga telah mewajibkan supaya suami membayar mas kahwinnya yang terhutang, dan memberi nafkah kepadanya sepanjang-panjang masa idahnya, dan juga memberi nafkah anak-anaknya dan gaji orang-orang yang membela dan menyusukan mereka, sekalipun perempuan itu sendiri menjalankan kerja-kerja itu, dan dengan tidak pula memandang kepada keadaan mewah atau piciknya. Dan juga supaya kerja membela anak-anaknya yang kecil itu diserahkan kepadanya, dan diserahkan kemudian daripada itu (kalau ia mati) kepada kaum kerabatnya yang perempuan, sehingga anak-anaknya itu besar.

Seyoga diperhati, bahawa perkara-perkara yang tersebut, yang

kebanyakannya mengandungi bayaran ganti rugi kepada perempuan yang ditalak itu, telah difardukan oleh Islam dalam

segala kejadian talak, dengan tidak memandang kepada sebab-sebabnya, dan sekalipun bukanlah suami yang bersalah terhadap isterinya dalam menjatuhkannya.

Tidak terselindung setakat mana hukum Islam yang sedemikian ini membiarkan keraian terhadap perempuan, memelihara kehormatan keluarga, mengawal rahsia-rahsianya daripada terhebah, dan menutup segala pintu yang membawa kepada tuduh-menuduh dan mereka-reka akan sebab-sebab dan cara-cara yang menyinggung, dan lain-lain lagi dari kekacauan yang tak dapat tidak akan timbul apabila penyiasatan dijalankan untuk mengemukakan sebab-sebab talak itu dituntut, dan menjadikan ganti rugi kepada isteri bergantung kepada sabitnya kesalahan suami.

Dari semuanya ini, nyatahalah ketinggian mutu hukum-hukum Islam berbanding kepada apa yang disyorkan oleh setengah-setengah orang dalam zaman ini supaya talak itu sesudah dijatuhkan, dibawa kepada mahkamah untuk menyiasat akan sebab-sebabnya dan menetapkan ganti rugi kepada isteri atau mengenakan hukuman kepada suami jika didapati perbuatannya bertentangan dengan keadilan.

* * *

Kewajipan Pemimpin-pemimpin Islam Tentang Hal Ini

Inilah dia peraturan talak dalam Islam sebagaimana yang dibuktikan oleh dalil-dalil yang benar dan sabit di dalam al-Qur'an dan *al-Sunnah*. Ia sebagaimana yang kita pandang ialah jalan yang lurus, lagi terang nyata untuk dilalui oleh manusia menurut cahaya pertunjuk. Di dalam peraturan talak ini, Islam telah mengutamakan kebijakan masyarakat dan kebijakan keluarga serta kebijakan

suami isteri itu sendiri. Di dalam peraturan ini juga, Islam telah memelihara akan hak tiap-tiap seorang suami isteri bersesuaian dengan keadilan yang sempurna, yang seorang tidak boleh menganiayai yang lain, dan si kuat tidak boleh menindas si lemah. Islam juga telah membiarkan setengah-setengah kelebihan kepada lelaki, dan memberikan pula kepada perempuan beberapa hak setanding dengan itu sebagai ganti kesan-kesan yang akan mengenainya apakala lelaki menggunakan hak-haknya. Semuanya ini telah diterangkan oleh al-Qur'an di dalam keterangan yang ringkas dan petah, ujarnya:

"Wa lahuunna mithlu alladhī 'alayhinna bi al-ma'rūf, wa li al-rijāli

'alayhinna darajah."

Ertinya: "Dan mereka (perempuan-perempuan) mempunyai hak yang sebanding dengan hak lelaki-lelaki terhadap mereka dengan cara yang baik, dan lelaki-lelaki mempunyai kelebihan atas mereka satu darjah (iaitu darjah kuasa: lelaki menguasai perempuan)".

Inilah dia peraturan talak dalam Islam, iaitu sebagaimana yang kita ketahui menjadi satu penyelesaian yang dipandang oleh Islam sebagaimana pandangannya terhadap pembelahan di rumah sakit yang mesti dilakukan. Pembelahan itu tidak ditetapkan olehnya melainkan setelah tidak ada selainnya yang dapat menyembuhkan penyakit itu.

Peraturan Islam ini ialah pertengahan di antara peraturan-peraturan yang lain yang terlalu longgar atau terlalu ketat. Tidak ditutup jalan-jalannya sehingga menjadikan keluarga itu menderita apakala ia diharamkan sebagaimana peraturan yang ditetapkan oleh gereja Kristian. Ia pula tidak terbuka seluas-luasnya, sehingga dengan itu akan hilanglah kehormatan akad perkahwinan, sebagaimana peraturan yang ditetapkan oleh ((undang-undang negeri)) dalam kalangan setengah bangsa-bangsa Barat. Tidak pula sukar jalannya

sehingga dalam mencarinya meraba-rabalah kedua suami isteri yang terpaksa mencapai persetujuan untuk mengakui perbuatan zina dan mencacatkan nama baik keluarga dengan aib yang berkekalan selama-lamanya, sebagaimana halnya peraturan negeri dalam kalangan sebahagian bangsa-bangsa Barat yang lain.

Dari apa yang telah disebutkan itu, nyatalah bahawa sebaik-baik yang dapat diusahakan oleh pemimpin-pemimpin Islam untuk negeri-negeri mereka dalam soal ini ialah jangan tertarik ke arah yang dituju oleh kaum lelaki dan perempuan yang kebarat-baratan, dan berusahalah untuk menghebahkan fahaman yang benar tentang peraturan talak dalam Islam, serta mengadakan perubahan dan hukum-hukum dalam soal ini di negeri-negeri masing-masing berdasarkan syariat Islam kita yang suci.

– Bersambung



356/8, GEYLANG ROAD,

SINGAPURA, 14.

Tel: 41118

Penerbit buku2 ugama, buku2 sekolah,

buku2 bacaan tambahan bagi

kanak2 dan buku2 bacaan ‘am.

Mengambil upah chitak menchitak dengan

harga berpatutan. Berhubong-lah, pasti

memuaskan!